

Universitätsbibliothek Wuppertal

Codicis Dn. Ivstiniani Sacratissimi Principis P.P. Avg. Repetitæ prælectionis Libri XII

Justinian <I., Byzantinisches Reich, Kaiser>

Francofurti ad Moenum, M D LXXXVII.

Widmungsbrief

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1733](https://nbn-resolving.org/urn:nbn:de:hbz:468-1-1733)



CLAUDIO FAVCHETO
REI MONETALIS APVD PARI-
SIENSES PRAESIDI, ET LVDOVICO

Sanctonio disertissimo aduocato, Dionys.

Gothofred. I. C.

S. D.



NON ita dudum (viri praestantissimi) nescio quid mihi quasi subductum vobis obtuleram, ac meorum in ius civile commentariorum spem etiam feceram. Jam dedi, iam obtuli, et meritis viris id et id inscripsi. In eum vos numerum iam hic voco, qui posteritati ostenditis quantum intersit, utrum vita otiosa sit, an ignava. Praeter cognitionem iuris, historiae, ac liberalium artium, rerum ipsarum usum vobis comparastis: bene de vestris clientibus, de Repub. de posteritate meriti. Nec illa replicabo, quae in conspectu omnium posita, perpetuam nominis celebritatem vobis conciliant atque pariunt. De meis nunc ad feudorum libros notis, verius quam commentariis, dicendum. Breuis ubique esse volui, nec aliter potui. Nam et laudanda mihi breuitas videtur, si cognitioni iustorum nihil detrahit: et in totam hanc militarium beneficiorum questionem confusam plus satis, nouam commentationem paro, Pandectis ita ad commodatam, ut qui earum dispositionem atque naturam semel perspectam habuerit, iuris civilis et militaris concordiam atque diuersitatem facile deprehendat. Ego si quid cum in ea re, tum in alijs posthac publica utilitati dedero, vobis non minima ex parte acceptum referam, qui me in tam utili proposito diffidentem confirmastis: vestri memor semper futurus ac beneficiorum mihi a vobis datorum. Ita est enim, ut vim naturae non exuant nisi mali.

Valete. Datum Kalend. August.

M. D. LXXXIII.